



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **M. Fabii Quintiliani Institutionum Oratoriarum Libri Duodecim**

Summa diligentia ad fidem vetustissimorum codicum recogniti ac restituti

**Quintilianus, Marcus Fabius**

**Lugd. Batav. ; Roterodami, 1665**

Cap. IV. De emendatione.

**urn:nbn:de:hbz:466:1-12945**

sono fluctus illideret, meditans, consuecerat concionum fremitus non expavescere. Illa quoque minora (sed nihil in studiis parvum est) non sunt transeunda, scribi optime ceris, in quibus facillima est ratio delendi: nisi forte visus infirmior membranarum potius usum exiget: quae ut juvant aciem, ita crebra relatione, quoad intinguntur calami, morantur manum, & cogitationis impetum frangunt. Relinquentiae autem in utrolibet genere vacuae tabellae, in quibus libera adjicienti sit excursio. Nam interim pigritiam emendandi angustiae faciunt, aut certe novorum interpositione priora confundunt. Ne latas quidem ultra modum esse ceras velim, expertus juvenem studiosum alioqui praelongos habuisse sermones, quia illos numero versuum metiebatur: idque vitium, quod frequenti admonitione corrigi non potuerat, mutatis codicibus esse sublatum. <sup>1</sup> Debet vacare etiam locus, in quo notentur quae sribentibus solent extra ordinem, id est ex aliis quam qui sunt in manibus loci, occurrere. Irrumpunt enim optimi nonnunquam sensus, quos neque inserere oportet, neque differre tutum est: quia interim elabuntur, interim memoriae suae intentos, ab alia inventione declinant: ideoque optime sunt in deposito.

<sup>1</sup> Debet vacare etiam.] Aliquando cum priorem partem, verbi causa, orationis scribimus, venit nobis in mentem alicujus argumenti, aut alicujus senten-

tiæ quæ utilis est futura in summa orationis parte. ne igitur obliviscamur, statim in margine annotare debemus.  
*Idem.*

## C A P. IV.

## De emendatione.

**S**equitur *emendatio*, pars studiorum longe utilissima. Neque enim sine causa creditum est, stylum non minus agere, <sup>1</sup> cum delet. Hujus autem operis est, *adjicere*, *detrahere*,

**C**um delet.] Styli pars altera est *acuminata*, qua scribimus: altera *obtusa* & *lato*ra, qua delemus. Hinc illud Horatianum, *Sæpe stylum vertas. Divus* quoque Hieronymus partem illam *stylis* appellat optimam, ita scilicet commen-

dans emendationem. *Turneb.*

*trahere, mutare.* <sup>1</sup> Sed facilius in his simpliciusque judicium, quæ replenda vel dejicienda sunt: premere vero tumentia, humilia extollere, luxuriantia astringere, inordinata digerere, soluta componere, exultantia coercere, duplicitis operæ. Nam & damnanda sunt quæ placuerant, & invenienda quæ fugerant. <sup>2</sup> Nec dubium est optimum esse emendandi genus, si scripta in aliquod tempus reponantur, ut ad ea post intervallum velut nova atque aliena redeamus, ne nobis scripta nostra tanquam recentes fœtus blandiantur. Sed neque hoc contingere semper potest, præsertim oratori, cui sæpius scribere ad præsentes usus necesse est: Et ipsa emendatio finem habet. Sunt enim qui ad omnia scripta tanquam vitiosa redeant, & quasi nihil fas sit rectum esse quod primum est, melius existimant qu'cquid est aliud: idque faciant quoties librum in manus resumpserint, similes medicis etiam integra secantibus. Accidit itaque ut cicatricosa sint, & exanguia, <sup>3</sup> & cura pejora. Sit igitur aliquando quod placeat, aut certe quod sufficiat: <sup>4</sup> ut opus poliat lima, non exterat. *Temporis quoque esse debet modus.* <sup>5</sup> Nam quod Cinnæ Smyrnam novem annis accepimus scriptam, <sup>6</sup> & Panegyricum Isocratis, qui parcissime, deceim annis dicunt elaboratum, ad oratorem nihil pertinet: cujus nullum erit, si tam tardum fuerit, auxilium.

## C A P.

<sup>1</sup> *Sed facilius.]* Adficere & detrahere facile est, mutare autem difficilius: nam & cum ratione damnanda sunt quæ scripsieris, & alia substituenda. *Idem.*

<sup>2</sup> *Nec dubium est.]* Sic locutus est quoque in epistola, cum scribit se voluisse dare libris suis otium, ut refrigerato inventionis amore repetitos, tanquam lector perpendere. *Idem.*

<sup>3</sup> *Et cura peiora, &c.]* Non ab similis est locus ille Plinii lib. 37. cap. 10. Nocere sæpe nimiam diligentiam, & manum de tabula non posse tollere. *Pafferat.*

<sup>4</sup> *Ut opus poliat lima, non exterat.]*

Plin. Epist. Itaque opus non jam spendet sit lima, sed atteritur. *Pith.*

<sup>5</sup> *Nam quod Cinnæ Smyrnam.]* Helvius Cinnæ poëta fuit tempore Catulli: scripsit epigrammata & Smyrnam: quæ maxime probatur: de qua Catullus, *Smyrna mei Cinnæ novam post denique messem*

*Scripta fuit, non amque edita post hyemem.* Turneb.

<sup>6</sup> *Et panegyricum.]* Plutarchus in Isocratis vita ait quosdam scripsisse, deceim annis scriptum *Panegyricum*, quosdam quindecim. *Idem.*

<sup>1</sup> *Quin-*